

## REGIONALNI STAMBENI PROGRAM-RSP

Broj: 04-36-1-134-8430/13  
Datum: 19.04.2018. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8294-1/13 od 15.01.2018. godine, a na Preporuku Komisije za javne nabavke, imenovane Rješenjem, broj: 04-36-1-134-8070/13 od 18.09.2017. godine i broj: 04-36-1-134-8070-2/13 od 06.03.2018. godine, na osnovu Rješenja o ovlaštenju federalnog ministra raseljenih osoba i izbjeglica, broj: 04-36-1-134-8294-1/13 od 15.01.2018. godine, Projekt Menadžer **d o n o s i**:

### **O D L U K U** **O IZBORU NAJPOVOLJNIJEG PONUĐAČA** **za izvođenje građevinskih radova na izgradnji** **višeporodičnog stambenog objekta u općini Jajce (7 stanova) – LOT 2** **(ponovljeni postupak)**

#### I

U cilju odabira najpovoljnijeg ponuđača, nakon provedenog otvorenog postupka javne nabavke - izvođenje građevinskih radova na izgradnji višeporodičnog stambenog objekta u općini Jajce (7 stanova) - LOT 2 u okviru Regionalnog stambenog programa, kao najbolje ocijenjena prihvatljiva ponuda je ponuda ponuđača: **KONZORCIJ: GP GRATOD d.o.o. Banja Luka, GEOKOP d.o.o. Derventa, BIM ELEKTRO d.o.o. Banja Luka i AR KLIMA d.o.o. Laktaši, sa ukupnom cijenom ponude sa uključenim popustom bez PDV-a u iznosu od 435.770,69 KM.**

#### II

Ponuđač iz tačke I ove odluke ocijenjen je kao najpovoljniji, jer ispunjava uslove postavljene tenderskom dokumentacijom.

#### III

Dokaze o kvalifikaciji ponuđača, ponuđač je obavezan dostaviti u roku od 5 (pet) dana od dana obavještenja ponuđača o rezultatima postupka, u skladu sa odredbama tenderske dokumentacije.

#### IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste svim ponuđačima koji su učestvovali u predmetnom postupku javne nabavke.



## Obrazloženje

Postupak nabavke pokrenut je Odlukom o pokretanju postupka nabavke, broj: 04-36-1-134-7778/13 od 28.08.2017. godine. Javna nabavka provedena je putem otvorenog postupka. Procijenjena vrijednost nabavke za LOT 2 iznosila je 481.839,00 KM bez PDV-a i predviđena je Planom javnih nabavki za 2017. godinu u okviru Regionalnog stambenog programa, pod rednim brojem 06/17 – RSP BiH3 Pod-projekat. Obavijest o nabavci, broj: 668-1-3-59-3-38/17 poslana je na objavu 29.08.2017. godine, te je zajedno sa tenderskom dokumentacijom, istog dana objavljena na portalu javnih nabavki. Sažetak Obavještenja o nabavci objavljen je u "Službenom glasniku BiH – Oglasnik javne nabavke", broj: 63/17.

Tri ponuđača dostavila su ponude za LOT 2 u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Astra Plan d.o.o. Brčko, Konzorcij: GP Gratod d.o.o. Banja Luka, Geokop d.o.o. Derventa, Bim Elektro d.o.o. Banja Luka i Ar Klima d.o.o. Laktaši i Zidart d.o.o. Mrkonjić Grad.

Komisija za javne nabavke, imenovana Rješenjem, broj: 04-36-1-134-8070/13 od 18.09.2017. godine, izvršila je pregled i evaluaciju prispjelih ponuda, konstatovala da nijedna ponuda ne ispunjava uslove postavljene tenderskom dokumentacijom i dostavila Projekt menadžeru Zapisnik o pregledu i ocjeni ponuda, broj: 04-36-1-134-8244/13 od 08.12.2017. godine zajedno sa Preporukom da se donese Odluka o poništenju postupka. Na osnovu Preporuke Komisije, donešena je Odluka o poništenju postupka za LOT 2, broj: 04-36-1-134-7778-1/13 od 15.12.2017. godine.

U žalbenom roku, na predmetnu Odluku izjavljene su dvije žalbe ponuđača i to: KONZORCIJ: GP GRATOD d.o.o. Banja Luka; GEOKOP d.o.o. Derventa; BIM ELEKTRO d.o.o. Banja Luka i AR KLIMA d.o.o. Laktaši i ZIDART d.o.o. Mrkonjić Grad. Postupajući u drugostepenom upravnom postupku, Ured za razmatranje žalbi Bosne i Hercegovine je, rješavajući po žalbama donio: Zaključak, broj: JN2-01-07-1-2-6/17 od 18.01.2018. godine, kojim je žalbu ponuđača Zidart d.o.o. Mrkonjić Grad odbacio kao neurednu i Rješenje, broj: JN2-01-07-1-3-6/17 od 18.01.2018. godine, kojim je žalbu ponuđača KONZORCIJ: GP GRATOD d.o.o. Banja Luka; GEOKOP d.o.o. Derventa; BIM ELEKTRO d.o.o. Banja Luka i AR KLIMA d.o.o. Laktaši uvažio, poništio Odluku o poništenju postupka, broj i datum gornji, i predmet vratio ugovornom organu na ponovni postupak odnosno ponovnu evaluaciju ponuda.

Postupajući po uputama na osnovu Rješenja Ureda, Komisija je izvršila ponovnu evaluaciju ponuda i konstatovala da je ponuda ponuđača KONZORCIJ: GP GRATOD d.o.o. Banja Luka; GEOKOP d.o.o. Derventa; BIM ELEKTRO d.o.o. Banja Luka i AR KLIMA d.o.o. Laktaši prihvatljiva (podaci o nosiocu Konzorcija: ponuđač GP GRATOD d.o.o. Banja Luka, sa registriranim sjedištem u ul. XIV Srednjobosanske brigade br. 47, Banja Luka, JIB: 4401326190003), a da se ponuda ponuđača Zidart d.o.o. Mrkonjić Grad odbacuje kao neprihvatljiva, jer ponuđač nije popunio nacrt ugovora kako je traženo tačkom 10.9 podtačkom 10.9.1.tenderske dokumentacije. Ponuđač Astra Plan d.o.o. Brčko nije produžio opciju važenja ponude, te ista nije razmatrana i bila predmetom dalje evaluacije, u skladu sa članom 60. stav (3) Zakona.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.


Uzimajući u obzir naprijed navedeno, odlučeno je kao u dispozitivu ove odluke.

### POUKA O PRAVNOM LIJEKU:

Protiv ove Odluke, svaki od ponuđača koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Svim učesnicima u postupku
- Web stranica Ministarstva
- Grupa poslova za javne nabavke
- a/a



PO OVLASTENJU MINISTRA

Projekt menadžer  
mr.sci. Amira Mašović